

OKRUŽNO JAVNO TUŽILAŠTVO U DOBOJU

Broj: A – 197/23

Doboj, 14.02.2024. godine

**VISOKOM SUDSKOM I TUŽILAČKOM VIJEĆU BOSNE I HERCEGOVINE  
SARAJEVO**

**PREDMET: Izvještaj o radu Okružnog javnog tužilaštva u Doboju za 2023. godinu**

**V E Z A:      Vaš akt broj 06-09-1-3352-3/2023 od 02.11.2023. godine**

U skladu sa vašim aktom od 02.11.2023. godine kojim tražite da vam dostavimo statističke podatke o radu tužilaštva za 2023. godinu, u skladu sa obrascima dostavljenim u prilogu akta i narativni izvještaj o radu tužilaštva za 2023. godinu, a sve u skladu sa Smjernicama Visokog sudskog i tužilačkog vijeća Bosne i Hercegovine za izradu godišnjeg izvještaja o radu tužilaštva koje su dostavljene u prilogu navedenog akta, ovim putem, osim obrazaca popunjenih u skladu sa uputstvom, dostavljamo vam obrazloženje rezultata rada ovog tužilaštva u izvještajnoj godini po traženim elementima kako slijedi:

**PRVI DIO – Izvještaj o radu tužilaštva**

**1. – Unutrašnja organizacija i kadrovska osposobljenost tužilaštva**

Okružnim javnim tužilaštvom u Doboju rukovodi vršilac dužnosti glavnog okružnog javnog tužioca Olivera Rauković koja je na ovu funkciju stupila dana 17.07.2023. godine, nakon što je dotadašnji glavni okružni javni tužilac Željka Radović stupila na novu funkciju glavni republički javni tužilac i prvi zamjenik glavnog okružnog javnog tužioca Slavko Krulj i zamjenik glavnog okružnog javnog tužioca Karolina Čalić-Topalović koja je na ovu funkciju stupila dana 11.12.2023. godine.

Okružno javno tužilaštvo u Doboju organizovano je kroz četiri organizacione jedinice odnosno odjeljenja i to:

- **Odjeljenje za ratne zločine** (za krivična djela protiv čovječnosti i vrijednosti zaštićenih međunarodnim pravom),
- **Odjeljenje za privredni kriminal** (za sva krivična djela protiv privrednog i platnog prometa i krivična djela protiv službene dužnosti),
- **Odjeljenje za opšti kriminal** (za krivična djela protiv života i tijela, polnog integriteta, zdravlja ljudi, imovine, opšte sigurnosti imovine i ljudi, bezbjednosti javnog saobraćaja, slobode i prava građana, izbornih prava, prava po osnovu rada, pravosuđa, pravnog saobraćaja, javnog reda i mira i protiv životne sredine),

- **Odjeljenje za maloljetnike** (za sva krivična djela počinjena od strane maloljetnika i krivična djela počinjena na štetu maloljetnika u skladu sa Zakonom o zaštiti i postupanju sa djecom i maloljetnicima u krivičnom postupku).

U pogledu sistematizacije, Okružno javno tužilaštvo u Doboju ima ukupno 16 tužilaca, uključujući i glavnog tužioca.

Rad Okružnog javnog tužilaštva u Doboju je organizovan kroz četiri odjeljenja i to:

- **Odjeljenje za opšti kriminal** čine šef Odjeljenja okružni javni tužilac Olivera Rauković i okružni javni tužioci, Neđo Đurić, Amela Hajdarević, Nataša Krstić, Goran Rubil i Mustafa Jupić,
- **Odjeljenje za privredni kriminal** koji čine šef Odjeljenja okružni javni tužilac Vesna Demonjić, koja je tu funkciju obavljala sve do svoje smrti 30.08.2023. godine i okružni javni tužioci Slavojka Malinović, Nataša Božičković i Mladen Simić (koji je nakon smrti tužiteljice Vesne Demonjić, obnašao dužnost šefa Odjeljenja za privredni kriminal),
- **Odjeljenje za ratne zločine** koji čine prvi zamjenik glavnog okružnog javnog tužioca, ujedno i šef Odjeljenja okružni javni tužilac Slavko Krulj i okružni javni tužioci Mersiha Mehmedagić i Snježana Petrović,
- **Odjeljenje za maloljetnike** koji čine šef Odjeljenja okružni javni tužilac Vaja Todorović i okružni javni tužilac Karolina Čalić-Topalović.

Prema sistematizaciji Okružno javno tužilaštvo u Doboju bi trebalo da ima 20 tužilaca, a trenutno u ovom tužilaštvu radi 14 tužilaca uključujući i vršioca dužnosti glavnog okružnog javnog tužioca.

U ovom tužilaštvu tokom prethodne godine, kao što je to bilo i tokom ranijih godina, nisu aktivno radili svi tužioci.

Okružni javni tužilac Neđo Đurić je od početka 2023. godine pa do dana 23.05.2023. godine bio na bolovanju.

Okružni javni tužilac Snježana Petrović je bila na porodiljskom odsustvu od 21.10.2022. godine do 20.10.2023. godine. Nakon povratka sa porodiljskog odsustva tužilac Snježana Petrović je dana 24.11.2023. godine preraspoređena iz Odjeljenja za ratne zločine u Odjeljenje za privredni kriminal.

Okružni javni tužilac Slavojka Malinović se nalazi na bolovanju od dana 17.05.2023. godine, a koje bolovanje i dalje traje.

Glavni okružni javni tužilac Željka Radović imenovana je za glavnog republičkog javnog tužioca, na koju dužnost je stupila dana 17.07.2023. godine.



Okružni javni tužilac Vesna Demonjić je bila na bolovanju od 23.03.2023. godine sve do dana 30.08.2023. godine kada je preminula.

Takođe, glavni okružni javni tužilac Željka Radović je istovremeno bila i član VSTV-a, te je po osnovu rada u VSTV bila odsutna 33 dana.

Dakle, kao što je vidljivo, od ukupno 16 tužilaca koliko je radilo u ovom tužilaštvu, uključujući i glavnog tužioca, tokom cijelog izvještajnog perioda, je aktivno radilo samo 12 tužilaca.

U pogledu materijalnog statusa tužilaštva, može se reći, da su sada adekvatni uslovi rada u ovom tužilaštvu.

## **2. Ostvarenje norme**

Kolektivna norma ovog tužilaštva je iznosila 113,61 %. Kolektivna norma na Odjeljenju za opšti kriminal ostvarena je u procentu od 124,49 %, u Odjeljenju za ratne zločine 145,51 %, u Odjeljenju za privredni kriminal 76,90 % i u Odjeljenju za maloljetnike 128,21 %. Što se tiče pojedinačnih normi tužilaca, najveća pojedinačna norma iznosi 235,04 %, a najmanja pojedinačna norma za tužioca koji je radio tokom cijelog izvještajnog perioda iznosi 88,30 %. Od tužilaca koji su radili tokom cijelog izvještajnog perioda samo jedan tužilac je ostvario normu ispod 100%.

Tužilac koji je ostvario normu ispod 100%, radi u Odjeljenju za privredni kriminal, i razlog ne ostvarivanja norme u stopostotnom procentu je, prema izjašnjenju ovog tužioca, taj što u predmetima koje duži, nije udovoljeno tužiocčevim zahtjevima za prikupljanje dokaza i dostavljanje policijskih izvještaja, iz kog razloga je bilo nemoguće donijeti konačne tužilačke odluke i ove predmete završiti, te na taj način ostvariti punu normu.

Kao što se može vidjeti, iz naprijed navedenih podataka proizilazi da su sva odjeljenja ovog tužilaštva, osim Odjeljenja za privredni kriminal ostvarili kolektivnu normu Odjeljenja iznad 100%. Razloga za neostvarivanje stoprocentne norme Odjeljenja za privredni kriminal je nedostatak tužilaca, obzirom da su tokom 2023. godine u ovom Odjeljenju aktivno radila samo dva tužioca, od ukupno četiri, koliko je raspoređeno u ovo Odjeljenje.

**Naziv tužilaštva**  
1.1.2023. - 31.12.2023.

**OKRUŽNO JAVNO TUŽILAŠTVO U DOBOJU**

**Ime i prezime šefa odjela**

**113,61%**

**Optužnica**

**96,43%**

**Izvištajni period:**

**97,40%**

**Uredbe s neprovođenim i obustavljenim postupcima**

**102,21%**

Redni broj	Ime i prezime tužila	Dana	Vrsta odjela	Opis odjela	Naziv odjela	Broj tužilaca u odjelu*	Kolektivna norma odjela	Bodovani su u skladu sa čl. 24. st. 2. Kr. za ocjenu rada gl. tužilaca	Ostvarene kolektivne norme tužilaštva u 2023. godini:		Ostvarene kolektivne norme tužilaštva u 2022. godini:		Ostvarene kolektivne norme tužilaštva u 2021. godini:		Ostvarene kolektivne norme tužilaštva u 2020. godini:		Ostvarene kolektivne norme tužilaštva u 2019. godini:		
									100%	113,61%	100%	96,43%	100%	97,40%	100%	102,21%	100%	102,21%	100%
1	BEU MIRA	01.01.2023.	Opšti kriminalni	Opšti kriminalni	Opšti kriminalni	141	100%	100%	100%	100%	100%	100%	100%	100%	100%	100%	100%	100%	100%
2	SLAVKO KRULJ	01.01.2023.	Opšti kriminalni	Opšti kriminalni	Opšti kriminalni	40	98,94%	100%	100%	100%	100%	100%	100%	100%	100%	100%	100%	100%	100%
3	NATAŠA KRSTIĆ	01.01.2023.	Opšti kriminalni	Opšti kriminalni	Opšti kriminalni	39	90,48%	100%	100%	100%	100%	100%	100%	100%	100%	100%	100%	100%	100%
4	JAMELA HALJIDŽEVIĆ	01.01.2023.	Opšti kriminalni	Opšti kriminalni	Opšti kriminalni	12	100,56%	100%	100%	100%	100%	100%	100%	100%	100%	100%	100%	100%	100%
5	GORAN RUBLIĆ	01.01.2023.	Opšti kriminalni	Opšti kriminalni	Opšti kriminalni	14	104,98%	100%	100%	100%	100%	100%	100%	100%	100%	100%	100%	100%	100%
6	MUSTAFA JUPIĆ	01.01.2023.	Opšti kriminalni	Opšti kriminalni	Opšti kriminalni	15	100,98%	100%	100%	100%	100%	100%	100%	100%	100%	100%	100%	100%	100%
7	NEDO ĐURIC	01.01.2023.	Opšti kriminalni	Opšti kriminalni	Opšti kriminalni	90	50,59%	100%	100%	100%	100%	100%	100%	100%	100%	100%	100%	100%	100%
8	VAJA TODOROVIĆ	01.01.2023.	Privredni kriminalni	Privredni kriminalni	Privredni kriminalni	13	113,22%	100%	100%	100%	100%	100%	100%	100%	100%	100%	100%	100%	100%
9	NATAŠA BOŽIČKOVIĆ	01.01.2023.	Privredni kriminalni	Privredni kriminalni	Privredni kriminalni	11	84,98%	100%	100%	100%	100%	100%	100%	100%	100%	100%	100%	100%	100%
10	MERISAVA ČERVENIĆ	01.01.2023.	Privredni kriminalni	Privredni kriminalni	Privredni kriminalni	10	118,05%	100%	100%	100%	100%	100%	100%	100%	100%	100%	100%	100%	100%
11	SLAVICA MALINOVIĆ	01.01.2023.	Privredni kriminalni	Privredni kriminalni	Privredni kriminalni	186	26,32%	100%	100%	100%	100%	100%	100%	100%	100%	100%	100%	100%	100%
12	SAJEŽANA PETROVIĆ	01.01.2023.	Privredni kriminalni	Privredni kriminalni	Privredni kriminalni	212	0,47%	100%	100%	100%	100%	100%	100%	100%	100%	100%	100%	100%	100%
13	VEŠNA DEMONJIĆ	01.01.2023.	Privredni kriminalni	Privredni kriminalni	Privredni kriminalni	117	8,94%	100%	100%	100%	100%	100%	100%	100%	100%	100%	100%	100%	100%
14	OLIVERA RAUKOVIĆ	01.01.2023.	Privredni kriminalni	Privredni kriminalni	Privredni kriminalni	39	93,90%	100%	100%	100%	100%	100%	100%	100%	100%	100%	100%	100%	100%
15	MILADEN ŠIMIC	01.01.2023.	Privredni kriminalni	Privredni kriminalni	Privredni kriminalni	10	91,55%	100%	100%	100%	100%	100%	100%	100%	100%	100%	100%	100%	100%
16	KAROLINA ČALIĆ - TOPALNOVIĆ	01.01.2023.	Privredni kriminalni	Privredni kriminalni	Privredni kriminalni	14	110,79%	100%	100%	100%	100%	100%	100%	100%	100%	100%	100%	100%	100%
								<b>KOLEKTIVNA NORMA TUŽILAŠTVA</b>		<b>113,61%</b>									

**Tabela 1c: Otvarene kolektivne norme u tužilaškim odjelima (pogledati napomene 6 i 7)**

Ime i prezime šefa odjela	Naziv odjela	Broj tužilaca u odjelu*	Kolektivna norma odjela	Bodovani su u skladu sa čl. 24. st. 2. Kr. za ocjenu rada gl. tužilaca
OLIVERA RAUKOVIĆ	Opšti kriminalni	6	124,49%	15
VEŠNA DEMONJIĆ	Privredni kriminalni	4	76,90%	9
SLAVKO KRULJ	Ratni zločin	2	145,51%	15
VAJA TODOROVIĆ	Maloletnički odjel	2	128,21%	15



### **3. Obrazloženje razloga nedovoljnog broja predmeta u radu tužilaštva ili pojedinih tužilaca**

U toku 2023. godine u Okružnom javnom tužilaštvu u Doboju nijedan tužilac nije imao nedovoljan broj predmeta u radu.

### **4. Ostvareni rezultati na predmetima ratnih zločina**

Kada su u pitanju rezultati ostvareni u radu na predmetima ratnih zločina za 2023. godinu, evidentan je progres i pored činjenice da je jedan tužilac iz Odjeljenja za ratne zločine bio na porodiljskom odsustvu do novembra mjeseca 2023. godine, tako da su cijelu godinu na ovom referatu bila angažovana samo dva tužioca.

Na početku izvještajnog perioda u Okružnom javnom tužilaštvu u Doboju, u radu je bilo 16 KTRZ predmeta i svi su bili u fazi istrage. U toku 2023. godine riješeno je 6 KTRZ i svi su riješeni podizanjem optužnica, dok je u izvještajnoj godini zaprimljen jedan novi KTRZ predmet.

Tako da je na kraju izvještajnog perioda u radu ostalo 11 KTRZ predmeta, 10 predmeta je u fazi istrage i jedan predmet u fazi prijave.

Od KTRZ predmeta koji su ostali u radu, u 11 predmeta su osumnjičeni nedostupni, iz kog razloga navedeni predmeti imaju status neriješivih.

Glavni razlog za nemogućnost rješavanja KTRZ predmeta je taj što tužioci u ovim predmetima nailaze na probleme objektivne prirode na koje ovo tužilaštvo nije moglo uticati jer je u većini predmeta neophodno saslušati lica koja se nalaze mimo teritorije Bosne i Hercegovine i nisu dostupni organima gonjenja koji djeluju na području BiH. U ovim predmetima upućene su brojne zamolnice za ispitivanje osumnjičenih kojima, i pored više urgencija do danas nije udovoljeno, iz kog razloga se predmeti nisu mogli okončati i donijeti odgovarajuća tužilačka odluka, a što predstavlja objektivne okolnosti a ne odraz rada ovog tužilaštva.

Što se tiče KTARZ predmeta, na početku izvještajnog perioda je bilo 55 predmeta, u toku 2023. godine je riješeno 10 KTARZ predmeta. Uzimajući u obzir da je u izvještajnom periodu zaprimljeno 6 novih KTARZ predmeta, na kraju izvještajnog perioda u radu je ostao 51 KTARZ predmet.

Kada su u pitanju KTNRZ predmeti, na početku izvještajnog perioda je bilo 108 predmeta, a u toku 2023. godine završen je 1 KTNRZ predmet i zaprimljeno 5 novih predmeta, tako da je na kraju izvještajnog perioda u radu ostalo 112 KTNRZ predmeta.

Na kraju 2023. godine u Okružnom javnom tužilaštvu u Doboju je u radu ostalo 11 KTRZ predmeta, 51 KTARZ predmeta i 112 KTNRZ predmeta.

## 5. Ostvareni kvalitet rada tužilaštva

Što se tiče kvaliteta rada u izvještajnom periodu, tokom izvještajnog perioda na Odjeljenju privrednog kriminala je podignuto 14 KTPO optužnica, dok je od strane sudova doneseno 11 osuđujućih pravosnažnih presuda po optužnicama koje nose oznaku KTPO i 1 pravosnažno oslobađajuća presuda, tako da na ovom odjeljenju kvalitet tužilačkih odluka u predmetima koje nose oznaku KTPO i u kojima su podignute optužnice iznosi 97,14 %.

Što se tiče kvaliteta rada koji se odnosi na kvalitet istraga u Odjeljenju privrednog kriminala u predmetima koji nose oznaku KTPO su donesene 22 naredbe o nesprovođenju istrage i 1 naredba o obustavi istrage, a u odnosu na koje tužilačke odluke, shodno odredbama Zakona o krivičnom postupku postoji mogućnost ulaganja pritužbe, te je tokom izvještajnog perioda od 2 uložene pritužbe na odluke u KTPO predmetima, uvažena 1 pritužba, tako da je kvalitet rada po ovom osnovu iznosio 95,65 %.

U predmetima koji nose oznaku KTK podignute su 2 optužnice, a donesne su 3 pravosnažno osuđujuće presude i 1 pravosnažno oslobađajuća presuda, tako da kvalitet rada koji se odnosi na ovu vrstu predmeta po ovom parametru iznosi 80%

U predmetima koji nose oznaku KTK doneseno je 14 naredbi o nesprovođenju istrage i 1 naredba o obustavi istrage, uložena je 1 pritužba na navedene odluke, koja nije uvažena, tako da je kvalitet rada i po ovom osnovu 100%.

U KTRZ predmetima, je podignuto 6 optužnica, nije donesena nijedna pravosnažna presuda, tako da je kvalitet optužnica u ovom odjeljenju 100%. U toku 2023. godine nije donesena niti jedna naredba o obustavi istrage u KTRZ predmetima.

U predmetima opšteg kriminala podignuta je 591 optužnica, podneseno 25 prijedloga za izricanje vaspitnih mjera i maloljetničkog zatvora, dok je od strane nadležnih sudova, vezano za predmete opšteg kriminala, doneseno 486 pravosnažno osuđujućih presuda i 22 pravosnažno oslobađajuće presude, te je shodno tome kvalitet tužilačkih odluka u predmetima opšteg kriminala koji nose oznaku KT iznosio **96,28%**, dok kvalitet tužilačkih odluka u predmetima opšteg kriminala koji nose oznaku KTM iznosi **100%**.

Što se tiče kvaliteta istraga u predmetima opšteg kriminala donesene su 103 naredbe o nesprovođenju istrage, 41 naredba o obustavi istrage, a na navedene odluke je uloženo ukupno 23 pritužbe. 16 pritužbi je odbijeno kao neosnovano, dok je 7 pritužbi uvaženo. Tako da je kvalitet istraga u KT predmetima 95,14%.

U odnosu na KTM predmete doneseno je 8 naredbi o nesporvođenju istrage i na iste nisu ulagane pritužbe, te je kvalitet istraga u KTM predmetima 100%.

Dakle, iz navedenog proizilazi da je ukupno na svim referatima podignuto 613 optužnica, podneseno 25 prijedloga za izricanje vaspitnih mjera i maloljetničkog zatvora, od strane nadležnih sudova doneseno 500 pravosnažno osuđujućih presuda i 24 oslobađajuće presude, tako da ukupan kvalitet tužilačkih odluka iznosi **96,43 %**.

Što se tiče odbijajućih presuda, bilo ih je ukupno 13 u izvještajnom periodu i sve su bile u KT predmetima. U pitanju su odbijajuće presude koje nisu posljedica propusta postupajućeg tužioca u optužnici.



U vezi naprijed navedenog kvaliteta rada, neophodno je istaći u pogledu donesenih odbijajućih presuda, činjenicu da se radi o predmetima u kojima je, tokom glavnog pretresa utvrđeno da je u međuvremenu došlo do zauzimanja stavova sudova u pogledu ocjene određenih dokaza, dokazivanja elemenata krivičnog djela ili je došlo do odustanka tužioca od daljeg krivičnog gonjenja u situacijama kada se ključni dokazi baziraju na izjavama privilegovanih svjedoka koji nisu željeli da svjedoče i slično. Takođe, neophodno je istaći da je u Republici Srpskoj donesen Krivični zakonik Republike Srpske koji je stupio na snagu 18.07.2017. godine koji je u glavi koja reguliše zastarjelost krivičnog gonjenja propisao kraće rokove istekom kojih se ne može preduzeti krivično gonjenje, i koji Zakon su sudovi primijenjivali shodno odredbi člana 9. stav 2. Krivičnog zakonika Republike Srpske koji propisuje da ukoliko se poslije izvršenja krivičnog djela, a prije donošenja pravosnažne presude, jednom ili više puta izmijeni zakon, primijenio se zakon koji je najblaži za učinioca, iz kog razloga su u ovim situacijama sudovi i donosili odbijajuće presude iz razloga što je tokom trajanja glavnog pretresa odnosno prije donošenja pravosnažne presude shodno Krivičnom zakoniku nastupila zastarjelost krivičnog gonjenja. Iz navedenog se može zaključiti da odbijajuće presude nisu donesene usljed propusta u sadržaju optužnice koji bi uzrokovao postupajući tužilac.

## **6. Rezultati rada u izvještajnom periodu u odnosu na prijave, istrage i optužnice**

Ostvareni rezultati rada u izvještajnom periodu u odnosu na prijave, istrage i optužnice su sljedeći: na početku izvještajnog perioda ostale neriješene 303 prijave, tokom 2023. godine zaprimljeno je 899 prijava, tako da su u toku izvještajnog perioda ukupno u radu bile 1202 prijave. U toku izvještajnog perioda riješeno je 818 prijava.

U Odjeljenju za privredni kriminal riješene su 62 prijave, od čega je 36 prijava riješeno donošenjem naredbi o nesprovođenju istrage, doneseno je 19 naredbi o sprovođenju istrage, dok je 7 prijava riješeno na drugi način.

U predmetima opšteg kriminala riješeno je ukupno 756 prijava, od čega je u 103 predmeta donesena naredba o nesprovođenju istrage, u 617 predmeta naređeno je sprovođenje istrage, a 36 predmeta je riješeno na drugi način.

Iz navedenog proizilazi da je povodom prijava zaprimljenih u ovom tužilaštvu doneseno ukupno 139 naredbi o neprovođenju istrage, 636 naredbi o sprovođenju istrage, a 43 prijave su riješene na drugi način.

Na početku izvještajnog perioda je bilo neriješeno 144 istrage, a tokom izvještajnog perioda naređeno je 636 istraga, tako da je u radu bilo ukupno 780 predmeta u fazi istrage. Riješena je 661 istraga, dok je na kraju izvještajnog perioda ostalo neriješeno 119 istraga. Od 780 istraga, u 44 predmeta donesena je naredba o obustavi istrage, podignuto je 613 optužnica, dok su 4 istrage riješene na drugi način.

U predmetima privrednog kriminala donesene su 3 naredbe o obustavi istrage i podignuto 16 optužnica.

U predmetima ratnog zločina okončano je 6 istraga i u svim tim predmetima su podignute optužnice.

U predmetima opšteg kriminala donesena je 41 naredba o obustavi istrage, podignuta 591 optužnica i 4 istrage su riješene na drugi način.

Dakle, kao što je vidljivo tokom izvještajnog perioda podignuto je ukupno 613 optužnica. Kada se sagledaju rezultati u izvještajnom periodu u odnosu na prethodnu godinu može se primijetiti da je došlo do smanjenja broja podignutih optužnica i to za 21 %. U pogledu naredbi o obustavi istrage, u odnosu na prethodnu godinu, smanjen je broj naredbi o obustavi istrage i to za 27 %, a takođe je smanjen i broj naredbi o nesprovođenju istrage za 19 %. U pogledu procesnih odluka koje se odnose na broj naredbi o sprovođenju istrage, u odnosu na prethodnu godinu, tokom izvještajnog perioda, došlo je do smanjenja broja naređenih istraga za 21 %. U pogledu broja riješenih istraga, tokom izvještajnog perioda je, u odnosu na prethodnu godinu, manje riješenih istraga i to za 22 %. Obzirom da je iz izvještajnog perioda vidljivo da je ostalo ukupno neriješeno 19 istraga, to je za 16 % manje neriješenih istraga u odnosu na 2022. godinu. U pogledu broja riješenih prijava posmatrano u odnosu na prethodnu godinu, broj riješenih prijava je manji za 22 %, dok je iz izvještajnog perioda ostale ukupno neriješene 383 prijave, tako da je broj preostalih neriješenih prijava u odnosu na prethodnu, 2022. godinu, veći za 23 %.

Sumirano, u 2023. godini je riješno manje prijave, kao i istraga u odnosu na 2022. godinu i to 22 % manje riješenih prijava i 22 % manje riješenih istraga, što i nije preveliko odstupanje, imajući u vidu okolnosti sa kojima se suočilo ovo tužilaštvo u 2023. godini, a iste su objektivne prirode, tj. odsutnost tužilaca.

#### **7. Starost predmeta u fazi prijave**

U ovom tužilaštvu na dan 31.12.2023. godine je ostala je neriješena 1 prijava zaprimljena prije 5 i više godina, 1 prijava zaprimljena prije 4 godine, 1 prijava zaprimljena prije 3 godine, 14 prijave zaprimljenih prije 2 godine i 35 prijave zaprimljenih tokom 2022 godine. U 2023. godini riješene su 2 prijave zaprimljene prije 4 godine, 6 prijave zaprimljenih prije 3 godine, 11 prijave zaprimljenih prije 2 godine i 77 prijave starijih od 1 godine.

#### **8. Dužina trajanja istraga**

Što se tiče dužine trajanja istraga na dan 31.12.2023. godine u ovom tužilaštvu je ostalo neriješeno ukupno 20 istraga starijih od 5 i više godina (u 10 predmeta raspisane potjernice), 5 istraga otvorenih prije 4 godine (u svih 5 predmeta raspisane potjernice), 8 istraga otvorenih prije 2 godine (u 6 predmeta su raspisane potjernice), 8 istraga otvorenih 2022. godine i 14 istraga starijih od 6 mjeseci (u 1 predmetu je raspisana potjernica).

Zaključno sa 31.12.2023. godine tokom izvještajnog perioda je riješeno 9 istraga otvorenih prije 5 godina i više, 5 istraga otvorenih prije 2 godine, 12 istraga otvorenih prije 1 godine i 47 istraga koje su trajale duže od 6 mjeseci.

U vezi naprijed navedenog, odnosno ukupnog broja preostalih neriješenih istraga, neophodno je istaći da je u ukupno 55 predmeta koji se nalaze u fazi istrage, u 22 predmeta je naređeno izdavanje potjernice za osumnjičenim licem odnosno raspisivanje potrage obzirom da isti nisu pronađeni i ispitani na okolnosti krivičnog djela koje im se stavlja na teret, te se iz tog razloga navedeni predmeti i dalje nalaze u fazi istrage i nisu okončani. Takođe, potrebno je naglasiti da je od ukupno 20 predmeta koji se nalaze u fazi istrage, a koji su zaprimljeni prije 5 i više godina, njih ukupno 7 su predmeti ratnog zločina i isti zbog nedostupnosti osumnjičenih, trenutno imaju status neriješivih predmeta.



## **9. Ostvareni rezultati u radu na predmetima korupcije i organizovanog kriminala**

U pogledu ostvarenih rezultata u radu na predmetima korupcije, u izvještajnom periodu su donesene 4 naredbe o nesprovođenju istrage, 14 naredbi o sprorovđenju istrage i 6 prijava je riješeno na drugi način.

Kada su u pitanju istrage, podignute su 2 optužnice i donesena je 1 naredba o obustavi istrage. Svi navedeni predmeti nose oznaku KTK.

Sa 01.01.2023. godine, iz prethodnih godina, ostale su neriješene 23 prijave koje se odnose na predmete korupcije i po kojima je postupano tokom izvještajnog perioda, dok je tokom izvještajnog perioda primljeno ukupno 20 novih prijava. U izvještajnom periodu se nalazilo ukupno 43 prijave u radu, a tokom izvještajnog perioda riješene su 24 prijave, tako da su na kraju izvještajnog perioda ostalo neriješeno 19 prijava. Što se tiče istraga u ovoj oblasti, iz prethodnog perioda su ostale neriješene 3 istrage, dok su tokom izvještajnog perioda naredene 4 istrage, pa je tokom izvještajnog perioda u radu bilo 7 istraga, riješene su 3 istrage, tako da su na kraju izvještajnog perioda ostale neriješene 4 istrage.

## **10. Prosječno zaduženje tužilaca**

U pogledu zaduženja tužilaca određenim brojem predmeta napominjemo da, imajući u vidu ukupan broj predmeta, prosječno zaduženje bi iznosilo 706 predmeta po tužiocu, računajući da je tokom izvještajnog perioda radilo 12 tužilaca (pod tačkom 1 obrazložena je sistematizacija i rad tužilaca tokom izvještajnog perioda). Ovako visok broj zaduženih predmeta po tužiocu je razlog što su u ukupan prosjek zaduženja uračunati i svi KTN predmeti (prosječno zaduženje KTN predmetima je 435), pa kada se iz ukupnog prosjeka izuzmu KTN predmeti, dobija se da je prosječno zaduženje tužilaca predmetima bilo 271, s tim da je prosječno zaduženje svim KT predmetima 115, a prosječno zaduženje svim KTA predmetima 137.

Napominjemo da je 5 tužilaca imalo u radu veći broj predmeta od prosjeka (uključujući i KTN predmete), a radi se o 4 tužioca koji rade na predmetima opšteg kriminala i 1 tužilac iz Odjeljenja za maloljetne izvršioce krivičnih djela. Sa manjim brojem predmeta od prosječnog, zaduženi su tužioci koji su raspoređeni u Odjeljene za ratne zločine i tužioci na Odjeljenju za privredni kriminal, 2 tužioca iz Odjeljenja za opšti kriminal, te 1 tužilac za maloljetnike, gdje je inače, po prilivu i vrsti predmeta manji broj predmeta u radu.

## **11. Predmeti u kojima je nastupila zastarjelost krivičnog gonjenja**

Tokom izvještajnog perioda zastarjelost krivičnog gonjenja je nastupila u ukupno 116 predmeta i to u 5 predmeta koji nose oznaku KT i 111 predmeta sa oznakom KTN odnosno u predmetima sa nepoznatim učiniocem krivičnog djela.

U 3 predmeta sa oznakom KT, zastarjelost krivičnog gonjenja nastupila je prije nego što je prijava dostavljena ovom tužilaštvu, a u 2 KT predmeta zastarjelost krivičnog gonjenja nastupila je usljed nedostupnosti osumnjičenog organima gonjenja Bosne i Hercegovine.

U 111 KTN predmeta nastupila je zastara krivičnog gonjenja prije nego što je pronađen učinilac krivičnog djela.

Iz navedenog vidljivo je da nije bilo subjektivnih razloga zbog kojih je nastupila zastarjelost krivičnog gonjenja za posmatrani izvještajni period već se radi o razlozima objektivne prirode.

## **12. Zaključna zapažanja i planirane mjere za poboljšanje stanja u tužilaštvu**

Imajući u vidu sve navedeno izneseno o radu tužilaštva tokom izvještajnog perioda, na osnovu prikazanih statističkih podataka i informacija iz statističkog izvještaja, može se konstatovati sljedeće:

Analizirajući rad tužilaštva tokom 2023. godine i cjelokupno stanje u ovoj instituciji, a posebno imajući u vidu činjenicu da je u Okružnom javnom tužilaštvu u Doboju tokom 2023. godine od ukupno 16 tužilaca, aktivno radilo njih 12, smatramo da je, cijeneći sve okolnosti, ovo tužilaštvo postiglo zadovoljavajuće rezultate u radu u prethodnoj godini.

Postignuti su zadovoljavajući rezultati, što je evidentno i kroz statističke podatke, iz kojih je vidljivo da je u 2023. godini ostvarena kolektivna norma tužilaštva u procentu od 113,61%, kao i individualne norme tužilaca, gdje je vidljivo da su svi osim jednog tužioca koji su radili cijeli izvještajni period postigli normu veću od 100%.

U narednom periodu ovo tužilaštvo planira povećati aktivnosti u radu i rješavanju predmeta koji se prema kriterijima VSTV imaju smatrati starim, i u skladu sa godišnjim planom rada i pojedinačnim planovima tužilaca tokom 2024. godine riješiti minimalno 85% starih predmeta, zatim riješiti priliv KTA predmeta i smanjiti broj neriješenih KT predmeta za 10% u odnosu na kraj 2023. godine, te se fokusirati na rad po predmetima privrednog kriminala i korupcije.

Kada su u pitanju predmeti ratnih zločina, 31.12.2023. godine u radu je ostalo 11 KTRZ predmeta i u svim tim predmetima osumnjičena lica su nedostupna organima gonjenja BiH, a u 9 predmeta su raspisane potjernice, te se očekuje da će se na taj način obezbjediti njihovo prisustvo i steći uslovi za donošenje konačnih tužilačkih odluka u ovim predmetima.

Međutim, potrebno je istaći da se u većini KTRZ predmeta u kojima nije donesena tužilačka odluka, prema raspoloživim podacima, osumnjičena lica koja je potrebno ispitati da bi se mogla okončati istraga i donijeti tužilačka odluka, nalaze sa prebivalištem ili boravištem, u zemljama okruženja, da se istima ne može uručiti poziv za ispitivanje putem međunarodne pravne pomoći jer zamoljene države ne postupaju po zamolnicama kojima se traži uručenje poziva, niti po zamolnicama za ispitivanje osumnjičenih lica, iz kog razloga tužilaštvo nije u mogućnosti donijeti tužilačku odluku. Napominjemo da je u većini predmeta, ispitivanje osumnjičenih lica posljednja radnja koju je potrebno preduzeti u cilju okončanja istrage i donošenja tužilačke odluke.

Takođe, u narednom periodu tužioci ovog tužilaštva nastaviće sa specijalističkim obukama, naročito u oblasti organizovanog, privrednog kriminala i korupcije.



### **13. Informacija o primjeni Smjernica za prevenciju seksualnog i rodno zasnovanog uznemiravanja u pravosudnim institucijama u Bosni i Hercegovini**

U Okružnom javnom tužilaštvu u Doboju svi radnici su upoznati sa Smjernicama za prevenciju seksualnog i rodno zasnovanog uznemiravanja u pravosudnim institucijama u Bosni i Hercegovini i materijom koju iste regulišu, kao i sa zakonodavnom legislativom koja se odnosi na predmetnu materiju, a to su Zakon o ravnopravnosti polova u BiH – prečišćeni tekst (Sl. glasnik BiH broj 32/2010) i Zakon o zabrani diskriminacije (Sl. glasnik BiH broj 59/2009), kao i sa ulogom savjetnika. Navedene Smjernice su u elektronskoj formi postavljene na zajednički folder OJT u Doboju, te su i kao takve dostupne svim zaposlenim radnicima u svakom trenutku, o čemu su svi zaposleni u OJT u Doboju obaviješteni. Smjernicama je propisana posebna unutrašnja procedura koju provodi savjetnik u slučaju zahtjeva lica koje traži pomoć povodom izloženosti neželjenom ponašanju, a koje se podnosi savjetniku ili u slučaju kada je savjetnik obaviješten o neželjenom ponašanju od strane treće osobe.

Vežano za pokretanje unutrašnjih procedura povodom izloženosti neželjenom ponašanju u proteklom periodu, tj. u toku 2023. godine nije bilo zahtjeva za pomoć povodom izloženosti neželjenom ponašanju, niti je savjetnik o neželjenom ponašanju bila obaviještena od treće osobe.

Napominjem da je u OJT u Doboju polna struktura takva da je od ukupno zaposlenih 49 radnika u 2023. godini (zajedno sa nosiocima pravosudnih funkcija, od kojih su 11 žena i 5 muškarca), zaposleno 37 žena i 12 muškaraca, da među zaposlenima vlada atmosfera međusobnog poštovanja (sa aspekta ravnopravnosti polova), te da pored toga što nije bilo zahtjeva za pokretanje procedure povodom seksualno ili rodno zasnovane izloženosti neželjenom ponašanju u toku 2023. godine, za sada ne postoji ni neki drugi pokazatelji da je neko zaposleno lice u OJT u Doboju izloženo seksualnom ili rodno zasnovanom neželjenom ponašanju.

### **14. Informacija o aktivnostima, poduzetim u cilju implementacije Strategije za unapređenje rodne ravnopravnosti u pravosuđu BiH, i postignutim rezultatima**

Tokom 2023. godine Okružno javno tužilaštvo u Doboju nastavilo je provođenje aktivnosti u cilju implementacije Strategije rodne ravnopravnosti u pravosuđu BiH, a u prilogu ovog izvještaja vam dostavljamo popunjen obrazac za praćenje primjene akcionih planova za implementacije Strategije rodne ravnopravnosti u pravosuđu BiH u kome su detaljno naveden i obrazložene sve aktivnosti preduzete tokom 2023. godine.

## Okružno javno tužilaštvo Doboj

### **DRUGI DIO Izvještaj o realizaciji strateških ciljeva ciljanih rezultata predviđenih Strateškim okvirom tužilačkog sistema Republike Srpske za period 2023.-2025. godina i Planom rada Okružnog javnog tužilaštva Doboj za 2023. godinu**

#### **I - Uvod**

Strateškim okvirom tužilačkog sistema Republike Srpske za period 2023.-2025. godina su definisana ključna pitanja i izazovi sa kojima se tužilaštva suočavaju u Republici Srpskoj i ponudio mogućnost zajedničkog sagledavanja i rješavanja tih pitanja i izazova. Sa ciljem prevazilaženja ključnih izazova i pitanja u radu okružnih javnih tužilaštava i tužilačkog sistema u cjelini, na Kolegiju glavnih tužilaca Republike Srpske održanog u februaru 2023. godine definisani su sljedeći strateški ciljevi koji predstavljaju prioritet u radu.

- Strateški cilj 1: Unaprijediti efikasnost i djelotvornost rada tužilaštava
- Strateški cilj 2: Unaprijediti kvalitet rada tužilaštava
- Strateški cilj 3: Povećati broj riješenih KTK i KTO predmeta
- Strateški cilj 4: Povećati transparentnost i povjerenje građana u rad tužilaštava

Usvojeni strateški ciljevi su razrađeni kroz ciljane rezultate za cjelokupan tužilački sistem Republike Srpske, dok je Okružno javno tužilaštvo u Doboju u skladu sa opštim ciljanim rezultatima kroz sopstveni godišnji Plan rada za 2023. godinu dodatno uspostavilo i definisalo ciljane rezultate za svoju pravosudnu instituciju čijim ostvarenjem se direktno doprinosi ispunjenju strateški ciljeva i ciljanih rezultata cjelokupnog tužilačkog sistema. Za svaki ciljani rezultat definisane su mjere i aktivnosti koje će doprinijeti u realizaciji zadanih ciljanih rezultata, ali i definisalo neophodne pretpostavke odnosno rizike koje mogu direktno uticati na ispunjenje ili neispunjene zadanih ciljanih rezultata. Dalje su u tabelarnom prikazu iskazani planirani i ostvareni ciljani rezultati javnog tužilaštva kao i mjere koje su poduzimane na njihovom ostvarenju.



IZVJEŠTAJ ZA 2023. GODINU					
Naziv strateškog cilja i ciljanog rezultata iz strateškog okvira	Utvrđeni ciljani rezultat tužilačkog sistema / tužilaštva za tekuću godinu	Planirani ciljani rezultat tužilaštva za tekuću godinu	Realizirani ciljani rezultat tužilaštva za tekuću godinu	Izvršene mjere za realizaciju ciljanih rezultata	
<b>Strateški cilj 1</b>					
Ciljani rezultat 1.1.: Smanjiti prosječnu dužinu trajanja predmeta	Prosječna dužina trajanja predmeta je manja od 200 dana	<b>Zadržati prosječnu dužinu trajanja ispod 200 dana</b>	Prosječna dužina trajanja predmeta zaključno sa 31.12.2023. je iznosila 209 dana <b>Ciljani rezultat je djelimično ostvaren</b>	OJT je radilo na određivanju preciznih rokova za postupanje po zahtjevima i naredbama tužilaštva u cilju postizanja većeg stepena efikasnosti postupanja po predmetima. Svaka istraga koja je starija od 6 mjeseci se mora iznijeti i razmatrati na sastanke Kolegija Odjela.	
<b>Ciljani rezultat 1.2</b> <b>Smanjiti ukupan broj neriješenih predmeta starijih od dvije godine</b>	Broj starih predmeta na dan 31.12.2023. godine za 85% manji od broja starih predmeta na dan 1.1.2023., a ukupno broj starih predmeta na dan 1.1.2023. za 10% manji od ukupnog broja starih predmeta na dan 31.12.2023. za 10% manji od ukupnog broja starih predmeta 1.1.2023. godine.	Broj starih predmeta na dan 31.12.2023. godine za 85% manji od broja starih predmeta na dan 1.1.2023, a ukupno broj starih predmeta na dan 1.1.2023. za 10% manji od ukupnog broja starih predmeta 1.1.2023. godine.	OJT Doboje je smanjilo za 64% stare predmete u odnosu na broj 01.01.2023. godine (22 naspram 61) Dok je povećan za 70% ukupan broj starih predmeta (104 naspram 61.) <b>Ciljani rezultat je djelomično ostvaren</b>	Svi tužiocci su bili dužni riješavati predmete sa liste kojima su zaduženi Planom za rješavanje starih predmeta Prilikom rješavanja tužiocci će se pridržavati programa koji su dužni ostvariti u pogledu rješavanja starih predmeta kod ostvarivanja mjesečne norme.	

IZVJEŠTAJ ZA 2023. GODINU				
Naziv strateškog cilja i ciljanog rezultata iz strateškog okvira	Utvrđeni ciljani rezultat tužilačkog sistema / tužilaštva za tekuću godinu	Planirani ciljani rezultat tužilaštva za tekuću godinu	Realizirani ciljani rezultat tužilaštva za tekuću godinu	Izvršene mjere za realizaciju ciljanih rezultata
Ciljani rezultat 1.3. Povećati broj riješenih KTA predmeta	Za 2023. godinu potrebno je riješiti godišnji priliv KTA predmeta	Za 2023. godinu potrebno je riješiti godišnji priliv KTA predmeta	OJT Doboju je riješilo 87% priliva, odnosno zaprimljeno je 1.001 KTA predmeta a riješeno je 872 KTA predmeta <b>Ciljani rezultat nije ostvaren</b>	U potpunosti primjenjivati Uputstvo o postupanju s KTA predmetima Donositi naredbe o nesprovođenju istrage ukoliko KTA predmete nije moguće prequalifikovati u KT predmet ili riješiti ga na drugi način Posebnu pažnju posvetiti KTA predmetima starijim od dvije godine putem realizacije Plana za rješavanje starih predmeta
<b>Ciljani rezultat 1.4. Smanjiti broj neriješenih KT predmeta</b>	Za 2023. godinu broj neriješenih KT predmeta treba da bude za 10% manji u odnosu na broj iz 2022. godine	Za 2023. godinu broj neriješenih KT predmeta treba da bude za 10% manji u odnosu na broj iz 2022. godine	Tokom 2023. godine se povećao broj neriješenih predmeta za 14%, odnosno ostalo je 487 KT predmeta na kraju 31.12.2023. godine u odnosu na 428 KT predmeta na kraju 2022. godine. <b>Ciljani rezultat nije ostvaren</b>	Određivani su precizni rokovi za postupanje po zahtjevima i naredbama tužilaštva u cilju postizanja većeg stepena efikasnosti postupanja po predmetima. Svaka istraga koja je starija od 6 mjeseci se mora iznijeti i razmatrati na sastanke Kolegija Odjela



IZVJEŠTAJ ZA 2023. GODINU				
Naziv strateškog cilja i ciljanog rezultata iz strateškog okvira	Utvrđeni ciljani rezultat tužilačkog sistema / tužilaštva za tekuću godinu	Planirani ciljani rezultat tužilaštva za tekuću godinu	Realizirani ciljani rezultat tužilaštva za tekuću godinu	Izvršene mjere za realizaciju ciljanih rezultata
<b>Strateški cilj 2: Unaprijediti kvalitet rada tužilaštava</b>				
Ciljani rezultat 2.1.:	U predmetima općeg kriminala osigurati da učešće osuđujućih pravosnažnih presuda po licima i predmetima bude 90% u odnosu na ukupan broj presuda po licima i predmetima privrednog kriminala (KTPO) osigurati da učešće osuđujućih pravosnažnih presuda po licima i predmetima bude 90% u odnosu na ukupan broj presuda po licima i predmetima privrednog kriminala (KTPO) osigurati da učešće osuđujućih presuda po licima i predmetima bude iznad 80% u odnosu na ukupan broj presuda	U predmetima općeg kriminala osigurati da učešće osuđujućih pravosnažnih presuda po licima i predmetima bude 90% u odnosu na ukupan broj presuda po licima i predmetima privrednog kriminala (KTPO) osigurati da učešće osuđujućih presuda po licima i predmetima bude iznad 80% u odnosu na ukupan broj presuda	Tokom 2023. godine je u predmetima općeg kriminala bilo je ukupno 591 presuda u odnosu na 544 osuđujućih u predmetima (92%) i 656 presuda u odnosu na 599 osuđujućih po licima (91%). Tokom 2023. godine je u KTPO predmetima je doneseno ukupno 13 presuda u odnosu na 12 osuđujućih u predmetima (92%) i 13 presuda u odnosu na 12 osuđujućih po licima (92%). Tokom 2023. godine je u KTK predmetima je doneseno ukupno 4 presuda u odnosu na 3	Tužiocima su kontinuirano se stručno usavršavali putem pohađanja obaveznih edukacija, te su primijenjivana jedinstvena pravila za primjenu „posebnih istražnih radnji“ Po potrebi su se formirali posebni timovi tužilaca i ovlaštenih službenih lica, vezano za privredni kriminal i korupciju te se učestvovalo u mreži dobre prakse u svrhu razmjene iskustava i dokumenata u cilju unapređenja i ujednačavanja tužilačke prakse;

IZVJEŠTAJ ZA 2023. GODINU				
Naziv strateškog cilja i ciljanog rezultata iz strateškog okvira	Utvrđeni ciljani rezultat tužilačkog sistema / tužilaštva za tekuću godinu	Planirani ciljani rezultat tužilaštva za tekuću godinu	Realizirani ciljani rezultat tužilaštva za tekuću godinu	Izvršene mjere za realizaciju ciljanih rezultata
	<p>pravosnažnih presuda po licima i predmetima bude iznad 80% u odnosu na ukupan broj presuda</p> <p>U predmetima korupcije (KTK) osigurati da učesće osuđujućih pravosnažnih presuda po licima i predmetima bude iznad 70% u odnosu na ukupan broj presuda</p>	<p>osuđujućih pravosnažnih presuda po licima i predmetima bude iznad 70% u odnosu na ukupan broj presuda</p>	<p>osuđujućih u predmetima (75%) i 5 presuda u odnosu na 3 osuđujućih po licima (60%).</p> <p><b>Ciljani rezultat je realizovan na vrlo zadovoljavajući način</b></p>	



IZVJEŠTAJ ZA 2023. GODINU					
Naziv strateškog cilja i ciljanog rezultata iz strateškog okvira	Utvrđeni ciljani rezultat tužilačkog sistema / tužilaštva za tekuću godinu	Planirani ciljani rezultat tužilaštva za tekuću godinu	Realizirani ciljani rezultat tužilaštva za tekuću godinu	Izvršene mjere za realizaciju ciljanih rezultata	
Ciljani rezultat 2.2.: Smanjiti omjer broja uvažanih pritužbi u odnosu na broj riješenih pritužbi na tužilačke odluke o nesprovođenju i obustavi istrage	Omjer usvojenih pritužbi ne prelazi omjer od 10% u odnosu na riješene pritužbe na tužilačke odluke o nesprovođenju i obustavi istrage	Omjer usvojenih pritužbi u odnosu na riješene pritužbe na tužilačke odluke o nesprovođenju i obustavi istrage	Omjer usvojenih pritužbi ne prelazi omjer od 10% u odnosu na riješene pritužbe na tužilačke odluke o nesprovođenju i obustavi istrage	Tokom 2023 godine uvaženo je 18 pritužbi od ukupno 691 ukupno donesene negativne tužilačke odluke što predstavlja omjer od 3% <b>Ciljani rezultat je u potpunosti ostvaren</b>	Redovno su se na kolegijima iznosile sve odluke o nesprovođenju istrage i odluke o obustavi istrage na kolegije i sastavljati zapisnike vezano za stavove oko odluka. Inicirani su bilateralni sastanci kako bi se raspravilo o konkretnim problemima kada je u pitanju uzrok velikog broja negativnih tužilačkih odluka.
Ciljani rezultat 2.2.: Smanjiti omjer broja uvažanih prigovora u odnosu na broj riješenih prigovora na tužilačke	Ciljani rezultat 2.2.: Smanjiti omjer broja uvažanih prigovora u odnosu na broj riješenih prigovora na tužilačke	<b>Omjer usvojenih prigovora ne prelazi omjer od 10% u odnosu na riješene prigovore na tužilačke odluke o nesprovođenju i obustavi istrage</b>	Tokom 2023 godine uvažen je 1 prigovor od ukupno 20 riješenih, tako da omjer uvažanih prigovora u odnosu na riješene predstavlja procenat manji od 10% <b>Ciljani rezultat je realizovan</b>		

IZVJEŠTAJ ZA 2023. GODINU				
Naziv strateškog cilja i ciljanog rezultata iz strateškog okvira	Utvrđeni ciljani rezultat tužilačkog sistema / tužilaštva za tekuću godinu	Planirani ciljani rezultat tužilaštva za tekuću godinu	Realizirani ciljani rezultat tužilaštva za tekuću godinu	Izvršene mjere za realizaciju ciljanih rezultata
odluke o nesprovođenju i obustavi istrage	odluke o nesprovođenju i obustavi istrage			
<b>Strateški cilj 3: Povećati broj riješenih KTK i KTO predmeta</b>				
Ciljani rezultat 3.1.: Povećati broj riješenih KTK predmeta	Za 2023. godinu će se povećati broj riješenih KTK predmeta za 5% u odnosu na 2023. godinu	Za 2023. godinu će se povećati broj riješenih KTK predmeta za 5% u odnosu na 2023. godinu	Na dan 31.12.2023. godine bilo je 24 riješenih KTK u odnosu na 2022. godinu kada je bilo riješeno 26 KTK predmeta.. <b>Ciljani rezultat nije ostvaren</b>	Nedostatak tužilaca je uticao na rad u ovim predmetima. Tužilaštvo je proaktivno radilo na ovim predmetima i surađivalo sa agencijama za provođenje zakona.
Ciljani rezultat 3.2.: Povećati broj riješenih KTO predmeta	Za 2023. godinu će se povećati broj riješenih KTO predmeta za 5% u odnosu na 2023. godinu	Za 2023. godinu će se povećati broj riješenih KTO predmeta za 5% u odnosu na 2022. godinu	Nije bilo rješavanja ove vrste predmeta	



IZVJEŠTAJ ZA 2023. GODINU				
Naziv strateškog cilja i ciljanog rezultata iz strateškog okvira	Utvrđeni ciljani rezultat tužilačkog sistema / tužilaštva za tekuću godinu	Planirani ciljani rezultat tužilaštva za tekuću godinu	Realizirani ciljani rezultat tužilaštva za tekuću godinu	Izvršene mjere za realizaciju ciljanih rezultata
	na 2022. godinu			
<b>Strateški cilj 4: Povećati kvantitet i kvalitet informacija u skladu sa planom praćenja i evaluacije PR u tužilaštvima</b>				
Ciljani rezultat 4.1.: Povećati kvalitet informacija u skladu sa planom praćenja i evaluacije PR u tužilaštvima	Kvalitet informacija prelazi bodovnu skalu od 25 bodova	Kvalitet informacija prelazi bodovnu skalu od 25 bodova	Podaci o ostvarenim rezultatima će biti dostupni tokom aprila 2024. godine	Nastavilo se sa dinamikom rješavanja zahtjeva u smislu Zakona o slobodi pristupa informacija i radom na implementacija Strategije za postupanje sa osobama koje dolaze u kontakt sa tužilaštvom. Glasnogovornica je redovno učestvovala na različitim obukama za glasnogovornika/službenika za odnose sa javnošću.
Ciljani rezultat 4.2.: Povećati kvantitet informacija u skladu sa planom praćenja i evaluacije PR u tužilaštvima	Kvalitet informacija prelazi bodovnu skalu od 20 bodova	Kvalitet informacija prelazi bodovnu skalu od 20 bodova	Podaci o ostvarenim rezultatima će biti dostupni tokom aprila 2024. godine	Obuka glasnogovornika/službenika za odnose sa javnošću da može samostalno postavljati objave na službeni web stranicu tužilaštva; Primjena primjera dobre prakse koji su izrađeni u okviru USAID-ovog Projekta pravosuđa u BiH; Ažuriranje web stranica najmanje jednom mjesečno; Praćenje kvaliteta i kvantiteta objava na web

**IZVJEŠTAJ ZA 2023. GODINU**

Naziv strateškog cilja i ciljanog rezultata iz strateškog okvira	Utvrdeni ciljani rezultat tužilačkog sistema / tužilaštva za tekuću godinu	Planirani ciljani rezultat tužilaštva za tekuću godinu	Realizirani ciljani rezultat tužilaštva za tekuću godinu	Izvršene mjere za realizaciju ciljanih rezultata
				stranicama i odnosa sa javnošću u skladu sa VSTV



### III- Pregled realizacije rizika i pretpostavki, opšta ocjena realizacije ciljanih rezultata i preporuke za unapređenje

Osnovni rizik koji je direktno uticao na potpuno ostvarenje svih ciljanih rezultata se odnosi na postupanje tužilaštva u kompleksnim predmetima kao što su predmeti korupcije i privrednog kriminala. Također nepopunjenost tužilaca, odnosno odsutnost većeg broja tužilaca u 2023. godini je itekako uticala na ostvarenje ciljanih rezultata.

Kako bi se ovaj rizik umanjio osmišljen je niz mjera u pogledu organizacije rada tužilaštva i postupanja po predmetima.

Pored navedenog, tužilaštvo će nastaviti da osigurava učešće tužilaca na edukaciji tužilaca iz oblasti provođenja finansijskih istraga kao i specijalizaciju tužilaca na specijalističkim obukama i razmjenu usvojenog znanja sa ostalim relevantnim uposlenicima u tužilaštvima. Pored toga korištena su jedinstvena pravila i procedura za primjenu «posebnih istražnih radnji i obrasci za vođenje istraga u složenim predmetima (organizovani i privredni kriminal, korupcija i kibernetički kriminal) kao i primjena Uputstva OSL i tužilaca kroz rad operativnih foruma. Ove aktivnosti su rezultirale povećanjem omjera osuđujućih presuda za predmete korupcije, privrednog i organizovanog kriminala.

VD GLAVNOG OKRUŽNOG JAVNOG TUŽIOCA

Olivera Rauković

